



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Ustavno-pravna komisija

Broj: 02/1-011-1623/03

Sarajevo: 17.11.2003.

Z A P I S N I K

Četrnaeste radne sjednice Ustavno-pravne komisije Doma naroda Parlamentarne skupštine Bosne i Hercegovine, održane 17.11.2003.god.

Sjednica je počela sa radom u 10: 00 sati.

Sjednici su nazočni bili svi članovi komisije: Ilija Filipović, Tomislav Limov, Nade Radović, Boško Šiljegović, Hilmo Neimarlija i Halid Genjac. Sjednicom je predsjedavao predsjedatelj Komisije Ilija Filipović.

Pored članova komisije sjednici su nazočni bili: Vinko Radovanović, delegat u Domu naroda, Lidija Korać, član Izborne komisije BiH, predstavnici OHR-a i OSCE-a, Ivana Lovrić – asistentica u Komisiji ispred NDI-a i tajnik Ustavno-pravne komisije Doma naroda Aljoša Čampara.

Za sjednicu je predložen i jednoglasno usvojen sljedeći

D N E V N I R E D :

1. Usvajanje zapisnika s 13. sjednice Ustavno-pravne komisije Doma naroda;
2. Prijedlog zakona o izmjenama i dopunama Izbornog zakona Bosne i Hercegovine - predlagatelj Izborna komisija BiH;
3. Prijedlog zakona o obrani Bosne i Hercegovine – predlagatelj Vijeće ministara BiH;
4. Prijedlog zakona o izmjenama i dopunama Zakona o ministarstvima i drugim organima uprave Bosne i Hercegovine – predlagatelj Vijeće ministara BiH;
5. Prijedlog zakona o izmjenama i dopunama Zakona o Vijeću ministara Bosne i Hercegovine – predlagatelj Vijeće ministara BiH;
6. Prijedlog zakona o prekršajima Bosne i Hercegovine – predlagatelj Vijeće ministara BiH;
7. Prijedlog zakona o važnosti javnih isprava u Bosni i Hercegovini – predlagatelj Vijeće ministara;
8. Tekuća pitanja.

Ad.1. Usvajanje Zapisnika 13. sjednice Ustavno-pravne komisije Doma naroda

Primjedbi na zapisnik 13. sjednice nije bilo, te je Komisija jednoglasno prihvatila zapisnik.

Ad.2. Prijedlog zakona o izmjenama i dopunama Izbornog zakona Bosne i Hercegovine

U raspravi o ovoj tački dnevnog reda učestvovali su svi članovi Komisije. Lidija Korać, član Izborne komisije BiH u ime predlagatelja obratila se članovima Komisije. Komisija je jednoglasno prihvatila osnovne principe predloženog zakona, te prešla na raspravu o amandmanima. Amandmane na Prijedlog zakona uložili su Klub hrvatskog naroda, dva amandmana i Vinko Radovanović, delegat u Domu naroda ispred Kluba srpskih delegata također dva amandmana. Nakon provedene rasprave i glasanja Komisija je prihvatila sljedeće amandmane koji su postali sastavni dijelovi teksta Prijedloga zakona i koji se dostavlja Domu naroda u dalju parlamentarnu proceduru kako slijedi:

AMANDMAN I

Članak 1. stavak 1. mijenja se i glasi :

« Ako delegat u Domu naroda Parlamentarne skupštine Bosne i Hercegovine istovremeno ima mandat člana Zastupničkog doma Parlamentarne skupštine Bosne i Hercegovine, Parlamenta Federacije Bosne i Hercegovine, Narodne skupštine Republike Srpske ili kantonalne skupštine, dužan je u roku od 3 dana u pisanom obliku izvjestiti Izorno povjerenstvo BiH za koji se mandat odlučio, čime mu drugi mandati koje ima prestaju.»

AMANDMAN II

Članak 1. stavak 2. mijenja se i glasi :

« Ako delegat u Domu naroda Parlamentarne skupštine Bosne i Hercegovine stekne pravo na mandat u Zastupničkom domu Parlamentarne skupštine Bosne i Hercegovine, Zastupničkom domu Parlamenta Federacije Bosne i Hercegovine, Narodnoj skupštini Republike Srpske ili kantonalnoj skupštini u skladu sa člankom 9.11. ovog Zakona, a u pisanom obliku u roku od 3 dana izvjestiti Izorno povjerenstvo o odricanju tog prava, mandat mu neće biti dodjeljen, već će biti dodjeljen slijedećem kvalificiranom kandidatu sa liste iste izborne jedinice sukladno stavku 2. članka 9.99. ovog Zakona.»» Ako se nakon upita Izbornog povjerenstva, delegat pak odluči za korištenje tog prava, prestaje mu mandat delegata u Domu naroda Parlamentarne skupštine BiH»

AMANDMAN III

Članak 2. se mijenja:

U članku 2.5. Izbornog zakona BiH dodaje se stavak 4. koji glasi:

«U ad hok komisiji za izbor i imenovanje moraju biti zastupljeni konstitutivni narodi, dva bošnjaka, dva srbina i dva hrvata i jedan iz reda ostalih.» Dosadašnji stavovi 3. 4. 5. postaju 5. 6. 7.

AMANDMAN IV

U članku 2. stavak 2. Prijedloga zakona o izmjenama i dopunama Izbornog zakona BiH, u drugoj rečenici riječ “šest” se zamjenjuje sa rječju “sedam” i u trećoj rečenici riječ “dva” se zamjenjuje riječju “tri”.

Ad.3. Prijedlog zakona o obrani Bosne i Hercegovine

Svi članovi Komisije su učestvovali u raspravi o ovoj tački dnevnog reda. Komisija je nakon rasprave o usklađenosti teksta Prijedloga zakona s Ustavom BiH, podržala i osnovna načela/principe na kojima je zakon zasnovan. Članovi komisije su prešli na raspravu o predloženim amandmanima. Amandmane na Prijedlog zakona o obrani BiH uložili su delegat

Tomislav Limov i Klub delegata srpskog naroda u Domu naroda. Nakon rasprave I glasanja o amandmanima Komisija je prihvatila devet amandmana koji su postali sastavni dio teksta Prijedloga zakona I koji kao takvi idu u dalju parlamentarnu proceduru prema Domu naroda Parlamentarne skupštine BiH. Komisija je prihvatila sljedeće amandmane:

AMANDMAN I

U preambuli Prijedloga zakona o odbrani, u prvoj rečenici iza riječi “člana” dodaje se “III.5.a)”.

AMANDMAN II

Iza članka 13. Nacrta zakona u naslovu “C” riječ “Ministar” se briše, a umjesto nje stavlja se riječ “Ministarstvo”, pa je naslov “C. Ministarstvo obrane Bosne i Hercegovine”.

AMANDMAN III

Nakon članka 13. dolazi novi članak 14. koji glasi:

“Ministarstvo obrane Bosne i Hercegovine mjerodavno je za:

- stvaranje i održavanje obrambenog kapaciteta kako bi se osigurala zaštita suvereniteta, teritorijalnog integriteta, političke neovisnosti i međunarodnog subjektiviteta Bosne i Hercegovine,
- predstavljanje Bosne i Hercegovine u međunarodnom odnosima vezanim za pitanje obrane,
- nadzor nad svim subjektima Oružanih snaga Bosne i Hercegovine,
- izradu, pregled i ažuriranje obrambene politike Bosne i Hercegovine koju odobrava Predsjedništvo Bosne i Hercegovine, a usvaja Parlamentarna skupština Bosne i Hercegovine,
- izradu i odobravanje politika i propisa glede ustrojstva, administracije, obuke, opremanja i uporabe Oružanih snaga Bosne i Hercegovine,
- osiguravanje da Bosna i Hercegovina poštuje međunarodne obveze vezane za pitanja obrane,
- aktiviranje postrojbi pričuvnog sastava za sve operacije, izuzev planirane obuke,
- razmještaj ili uporabu bilo kojeg dijela Oružanih snaga izvan Bosne i Hercegovine za sve operacije ili aktivnosti obuke,
- izdavanje instrukcija Načelniku Zajedničkog stožera Bosne i Hercegovine za uporabu ili razmještanje postrojbi Oružanih snaga unutar Bosne i Hercegovine za potrebe koje nisu obuka,
- uspostavu postupka za odobravanje vojne pomoći civilnim vlastima u slučaju prirodnih katastrofa i nesreća, po ovlastima datim od strane Predsjedništva Bosne i Hercegovine,
- ustanovljavanje postupaka koji osiguravaju razvidnost funkcija Ministarstva obrane Bosne i Hercegovine i
- ostale mjerodavnosti definirane u Zakonu “ .

AMANDMAN IV

Članak 20. u cjelosti postaje članak 14. Nacrt zakona.

AMANDMAN V

Iz članka 14. dolazi naslov “D. Ministar obrane Bosne i Hercegovine”.

AMANDMAN VI

Tekst članka 49. Nacrta zakona u cjelosti se briše i umjesto njega stoji novi tekst istog članka: “Entiteti će provoditi jedinstvenu politiku služenja vojnog roka koju donosi ministar obrane BiH na temelju zakona koji donosi Parlamentarna skupština Bosne i Hercegovine”.

AMANDMAN VII

U članu 49. dodaje se novi stav 2. koji glasi:

“Regruti državljani odgovarajućeg entiteta služe vojni rok u pravilu u vojsci svoga entiteta”

AMANDMAN VIII

U članu 70. dodaje se novi stav 2. koji glasi:

“Odredbe iz stava 1. ovog člana ne odnose se na oficire sa bilo kojim činom koji su u profesionalnu vojnu službu vojski entiteta stupili do dana stupanja na snagu ovog zakona.”

AMANDMAN IX

Iza članka 78. Nacrta zakona dolazi novi članak čiji tekst glasi:

“Parlamentarna skupština Bosne i Hercegovine, Vijeće ministara, Predsjedništvo BiH, entitetski parlamenti Vlade, te svi subjekti obrane na razini entiteta i države će, u okviru vlastite ustavne i zakonske mjerodavnosti, provesti potrebite aktivnosti, kako bi od početka primjene ovog Zakona do kraja tranzicijskog razdoblja, bili ispunjeni uvjeti za prijem Bosne i Hercegovine u članstvo NATO Saveza”.

Ad.4. – 7.

Članovi Komisije nisu učestvovali u raspravi po ovim tačkama dnevnog reda. Ustavno-pravna komisija je na svojoj 13. sjednici jednoglasno prihvatila da postoji valjan Ustavno-pravni osnov za donošenje ovih zakona, te ih je uputila u dalju parlamentarnu proceduru. Na svojoj 14. sjednici Ustavno-pravna komisija Doma naroda je kao nadležna Komisija prihvatila tekstove Prijedloga zakona jednoglasno u obliku kako su stigli od strane predlagatelja. Amandmana na tekst Prijedloga zakona nije bilo. Komisija upućuje Prijedloge zakona u dalju parlamentarnu proceduru sukladno poslovničkim odredbama.

Ad.8. Tekuća pitanja

Ustavno-pravna Komisija je nakon očitovanja povodom zaključaka od strane predsjedatelja Klubova naroda u Domu naroda prihvatila da zaključci Tomislava Limova vezani za uslove u kazneno-popravnim domovima u BiH idu u onom obliku, formi i sadržaju kako ih je on bio dostavio u parlamentarnu proceduru prema Domu naroda s preporukom da ih Dom prihvati..

Komisija je završila sa radom u 15:00 sati.

Tajnik komisije
Dipl.iur. Aljoša Čampara v.r.

Predsjedatelj komisije
Ilija Filipović dipl.iur. - v.r.